

敦煌縣鄉土志

卷二

地 180.151
53p
12

敦煌縣鄉土志卷二

歷代沿革

唐虞之世竄三苗於三危夏后以來聲教被於流沙禹貢三危既宅註云即古瓜州今敦煌也夏商周之初其地為羌戎所居秦漢以後匈奴據之武帝開通西域始置河西四郡敦煌居一應邵曰敦大也煌盛也敦煌郡領縣六敦煌冥安效谷淵泉廣至龍勒是也晉分敦煌之宜禾伊吾冥安淵泉廣至五縣分酒泉之沙州縣又別立會稽新鄉為晉昌郡咸康元年張駿分三郡及三營為沙州張祚又以敦煌郡置商州其後李嵩據之遂稱西涼公後魏置敦煌常樂二郡後周併敦煌鳴沙平康效谷東鄉龍勒六縣為鳴沙縣隋開皇初敦煌常樂俱廢大業初復改鳴沙置敦煌郡唐武德五年置西沙州貞觀七年曰沙州領敦煌壽昌二縣神龍元年置豆盧軍貞元後陷於吐蕃大中五年張義潮以沙州降置歸義軍以義潮鎮之傳至於梁州人推曹義金為帥後唐同光二年遣使開道入貢以義金鎮沙州宋初為回鶻所據太宗時曹元中州歸宋景祐二年趙元昊侵回鶻取瓜沙元復取之至元十四年復立沙州十七年隸甘肅行中書省明永樂三年置沙州衛以酋長困郎來為指揮使正統十二年困郎來之子兄弟乘爭部眾携



二甘肅總兵任禮以兵收之自是沙州遂為罕東所併厥後罕東指揮班麻思結之孫曰只克者請自立一衛朝命於沙州故城立罕東左衛正德十一年只克子乞台衰徙肅州塞內部下服屬吐魯番嘉靖三年閉嘉峪關沙州遂廢 清朝康熙五十四年阿酋作逆出師征討嘉峪關外漸次修復初置赤金靖逆二衛雍正元年置沙州所於敦煌安西同知領其事三年升沙州為衛隸安西乾隆二十五年改沙州衛為敦煌縣置安西府裁同知三十九年改淵泉縣為安西直隸州敦煌屬焉遂有今治

疆域

治在安西直隸州西南二百七十里距

京師六千四百三十里蘭州二千四百一十里

東至甜水井安敦界牌一百四十里

西至古瓜州城接連吐魯番交界計程一千九百里

南至阿魯柴旦接連蒙古游牧交界計程五百七十里

北至博羅台接連哈密交界計程三百六十里

東南至塔爾泉蛇窩泉接連安西踏實交界計程二百二十里

東北至條湖子龍王廟界墩戈壁接連安西交界計程一百二十里

西南至青海子硝池子與蒙古游牧交界計程七百七十里

西北至綽諾衚衕路通哈密交界計程四百九十里

山川

三危山 孔安國傳西裔之山舜竄三苗於三危即其地也三危為沙州望山俗名昇雨山今在城東南三十里三峯聳峙如

危欲墮故云

鳴沙山 一名神沙山在沙州城南七里其沙為峯巒危峭踰於石

吹轍復還如故舊志云有泉水名沙井今無可考唐志又名沙

雷惟山下有月泉土人登山推沙泉底有聲轟轟然如響斯應

雪山 即南山在縣南約百餘里

龍勒山 羊膊山 北塞山 白龍堆 龍勒水 懸泉水 皆舊志

今無可考

黑水 禹貢導黑水至於三危入於南海括其地志黑水出伊吾縣北百二十里東南絕流三危山二千餘里至鄯州又東南四

州入黃河

流沙 舊志云後周書鄯善西北有流沙數百里夏日有熱風為行人每以為侯亦即擁蔽口鼻其風迅駛斯須過盡若不防者必

致危殆顏師左曰流沙在敦煌西八十里今其熱風之患已息

問有野駝出沒其中

黨河 其水自青海蒙古地界發源距縣城六百餘里之泉溝並河道漸成

邊泉水及野馬川河水又至間積雪消水同入黨河其河道漲遂成巨流初分為普利永豐二大渠嗣因地寬渠少輪澆不及添開通裕慶餘大有三渠後又續開上永豐密溝伏羌新舊莊浪共十渠所澆各坊田地與六隅分配有一坊晰為東西上中

下者各就其地與渠之相近輪流澆灌永享其利

藥泉 舊志載在城東南石包城味畧如酒飲之愈疾今泚其迹

多布溝 衛志載在推莫爾免西今無可考

月牙泉 即渥洼池舊志漢元鼎四年天馬生渥洼水中武帝得之

登之坐壑而下沙隨足墮落經宿風復上吹山形如舊而泉不

為沙掩每沙落泉底有聲如雷水中魚名曰鐵背傍岸多七

星草服之可長生至今往來官商並土人遊眺其地者常折之以備葯料

色爾滕海子 衛志在沙州西南大澤四周有山圍繞水不長流其

北口子一百六十里至南口又七十里至色爾滕又六十里至

黑海子 衛志在沙州之西北自南來以此哈喇腦爾即華言黑海子也

十渠悉資灌溉無餘流復至黑海

水利

通裕渠 自沙棗墩分水渠一口起計長七十里應澆民田一十二坊

普利渠 自秦家灣分水渠一口起計長十二里應澆民田一十五坊

慶餘渠 自秦家灣下尾分水渠七坊起計長一十三里應澆民田七坊

上永豐渠 自沙山根分水渠一口起計長十二里應澆民田一十二坊

下永豐渠 自甯州坊分水渠二口起計長十六里應澆民田二十坊

大有渠 自渭源坊分水渠四坊起計長二十五里應澆民田四坊

窰溝渠 自校場後分水渠八坊起計長三十里應澆民田八坊

伏羌新渠自甯遠坊分水渠口起計

伏羌舊渠自甯遠坊分水渠口起計

莊浪渠自甯遠坊分水渠口起計

按十渠總派渠正二名分派渠長共一十八名每渠派水利一

名看守渠口定章每年春間冰雪融化河水通流戶民引以灌

田乘其滋潤播種安根名曰澆混水至立夏日稟請地方官帶

領工書渠正同至河口名黑山子分水渠正丈量河口寬窄水

底深淺合算尺寸攤就按渠戶數多寡秉公排水以昭平允向

例八渠皆自下而上輪流澆灌惟下永豐莊浪二渠由上遞下

近年多被上流豪強佔踞過絕不行下流各戶未能及期澆灌

屢因奪水滋事地方官察知其弊抑強扶弱勒令二渠與八渠

同歸一律由下澆上利益均霑居民便之夏秋二禾收成後十

渠各戶至九十月間仍由下而上輪流灌溉以備春耕謂之澆

冬水

城池

縣城

週圍三里三分零計長六百丈高一丈九尺六寸根寬二丈

高二尺六寸厚一尺四寸開東西南三門城門樓三座北城樓

建關帝廟腰樓八座每座墩台週圍五丈甕

城樓三座雍正三年建

鼓樓在城中撰角二層
雍正四年建

郭城週圍五里五分零長一千丈根寬五尺頂寬二尺高
二丈東門南門北門西南角門四座炮台一十二處

黃墩堡在敦煌城正北六十三里土城一座雍正五年建官設把
總分巡其地舊通哈密大道自車路改由安西往來新疆

黃墩行人罕到舊志載
墩汎四處今俱裁撤

衙署

知縣署在城內鼓樓迤西即沙
州衛署雍正六年建

儒學署舊在鼓樓迤南即都閫署乾隆五十七年建
今已坍塌只存舊址學官現存義學借住

典史署在城內迤北即衛千
總舊署雍正六年建

參將署在城內鼓樓迤東
雍正三年建

守備署在城內鼓樓東
南雍正三年建

左哨千總署在東大門
內迤南

右哨千總署在西大門
內迤南

把總署三處一在東大門內迤北一在鼓樓東北俱雍正三年建
迤北一在鼓樓東北俱雍正三年建

倉廠

東倉在縣署土地
祠左今廢

西倉在縣署馬王廟
右今存未儲糧

南倉在南關計二百六十間乾隆四十三
年建凡備荒社糧正糧俱儲是倉

草廠在南關毗連
南倉計一處

驛站

沙州營在敦煌本城額設驛馬四匹馬夫三名

圪塔井驛距敦煌本城七十里額設驛馬四匹馬夫三名

甜水井驛距敦煌本城一百四十里額設驛馬四匹馬夫三名

塘汎

沙州營屬東路墩汎五處新墩汎距本城二十五里新店子墩汎距本城一百一十里甜水井墩汎距本城一百四十里今俱派兵分巡西路卡汎舊設四處黨河口巴彥布喇墩汎今廢沙棗墩石峩博卡墩汎現尚派兵分巡南路卡汎舊有四處千佛洞卡汎尚派巡兵斃蓋卡長山子卡沙爾陀鑼海卡各汎俱廢北城一十五里今存

城路雙橋子墩汎距本

校場

大校場在城北一里許小校場在城內西北

養濟院

舊設三處今東門外一處猶存餘俱廢

陵墓

敦邑地處極邊又屬僻壤除土人墳墓而外別無可考

茶馬

按敦邑六隅戶民不多飲茶向無販買巨商自蒙民駝運羊毛來境各易官茶而去銷路漸開土商遂往肅州負販官茶以權子母

小利並未成行

鹽法

邑西北有小鹽池距城二十里產鹽不多再迤西有孟家井子青鹽池一灣週圍約十里許其中鹹湖甚大鹽質最佳所出不廣僅資土人日用西湖地界有大方盤小方盤之區昔多產鹽今皆化為水湖草灘無從取給惟邑東鄉巴兒湖距城四十里地多斥鹵自然成鹽遠望如積雪鹽味絕佳色極瑩澈堅緻邑人食用皆取於此外銷僅及安西因關外地多鹹氣到處產鹽銷途不廣以是販商稀少謂敦煌諸物昂貴惟食鹽最賤與關內不同又白顏墩亦有大鹽池所產相類近年駱駝由蒙古販來紅鹽清晨服之寬腸利膈土人視如藥物載入內地送禮倍加珍重惜出產不多未能暢開銷路

貢賦

敦邑舊設二千四百戶每戶給地一分原撥地五十畝外塔長地二十畝每分額征正耗京斗上色糧二石三斗四合成同以來地遭疫症戶漸減六隅計存各戶二千零七十二戶每年額征正耗京斗糧四千七百七十三石八斗九升四合七勺舊征草一十三萬五千四百二十五束自光緒三十年滋鬧採買釀成巨案經

陝甘總督部堂升入奏裁革採買名目丈地升科照定章以五十畝為一分所有已開長地一律清丈升科與縣學廳三署籌給津貼以資經費業經邑令陳公問詮遴派紳士秉公查勘辦理就緒稟請 列憲批准計丈出上下則屯地共三萬六千九百九十畝零八分應征正耗京斗糧三千二百零二石二斗九升六合五勺八抄四撮四杪應征草四萬八千三百五十四束三分七厘三毫七絲六忽

蠲恤

雍正三年新設沙州衛正為遷戶屯田之始 皇上特發帑金各給沿途口糧皮衣盤費及至其境借與牛具籽種房價又念民戶初到草創維艱寬給七月口糧賴以生活數年間歲豐穀賤安居樂業無需賑濟自乾隆二十五年改衛為縣兵事大定民力寬裕歲無凶荒同治十二年回亂平歲大饑蒙 清太后特發帑金一萬兩以惠窮黎光緒二十年又特發帑金五千兩邑令喻公炎丙遵糴備荒糧市斗二千七百石以備不虞乾隆底定回疆以後縣治情形

行省未設以前迪化一府猶隸甘肅自乾隆平定回疆以後敦煌
初改衛為縣設立知縣訓導典史各官錢穀兵刑學校訟獄各

條新定規模興養立教官師實力提倡士庶莫不順從咸豐四年
西番猝至在湖與土人接仗傷斃兵民無數西番搶掠牛馬財物
旋即遠去後由地方官酌加體恤以安閭閻同治四年土回猝變
知縣樊建基會同參將李公大成妥派鄉團營兵併力堵禦先
勦城內逆回五千餘人以除心腹之患有精壯回民數百人打破
南門竄入南湖該處團勇措手不及被回衝散搶劫兵器甚多分
竄肅州新疆兩路揚言結夥復仇至七年七月十五日肅州一股
約百餘人潛夜入境登墓誦經畢橫行擄掠黎明即去八年八月
十六日之夜結黨復入來去如前狀是時文景二大臣帶隊駐防
旋向新疆啟行同治十三年健銳軍步兵統領李天和馬進祥胡
飛鵬先後赴敦駐紮適白房虎竄出嘉峪關成大臣檄令馬隊統
領胡鎮台朱佑平趙程前進預赴沙州與李天和等駐紮新店子
一路趁賊虎困乏毋令入境以爭先着竟為李天和所梗計不果
行回股遂於四月初四日長驅直入在東北鄉搶掠民食廣儲糗
糧焚村攻堡殺傷無算邑令樊公建基督率兵民力守危城北鄉
久成賊窩李天和等因驅賊被困卒死於賊閱兩月白彥虎致書
邑令言本心不圖敦煌請助糧以資西行樊公於是集紳商辦城
圍遂解然兵荒之後繼以年荒邑人流離困苦道饑相望 朝廷

發金賑恤辦理善後事宜是冬張老師金將軍發粟賑濟民困漸紓十三年左文襄撥給籽種牛隻始得全活自是農工商各安其業再無變故迄新疆創設行省敦邑往來客商益衆生計日繁至今相沿如故

祭享俸工

春秋二祭各壇廟歲領祭祀銀一百零三兩三錢五分二厘

知縣一員歲額養廉銀六百兩公費銀四百兩照章以七折支領俸銀四十五兩照章以三錢五分析領差役七十六名歲支工食銀五百四十二兩四錢照章以七折支領遇閏加銀共三十

兩零二錢

訓導一員歲支俸銀四十兩公費銀六十兩照章均以七折支領門斗三名歲支工食銀一十八兩照章以七折支領遇閏加銀一兩五錢

典史一員歲支養廉銀二百兩俸銀三十一兩五錢一分九厘照章以七折支領差役六名歲支工食銀三十六兩照章以七折支領遇閏加銀三兩

驛站驛夫六名歲支工食銀一十兩零八錢驛馬一十二匹每匹歲支草料銀二十五兩二錢外備站價銀四十八兩歲例馬價

銀一十九兩二錢

沙州營參將一員歲支養廉銀五百兩俸銀三十九兩三錢三分九厘九毫六絲薪銀一百二十兩蔬菜燭炭銀四十八兩辛紅紙張銀三十六兩例馬八匹

守備一員歲支養廉銀二百兩俸銀一十八兩七分五厘九毫六絲薪銀四十八兩蔬菜燭炭銀一十二兩辛紅紙張銀一十二兩例馬四匹

千總二員每員歲支養廉銀一百二十兩俸銀一十四兩九錢六分四厘七毫一絲薪銀三十三兩三分五厘二毫八絲例馬二匹把總三員每員歲支養廉銀九十兩俸銀一十二兩四錢七分一厘薪銀二十三兩五錢二分九厘例馬二匹

經制外委六員每員歲支養廉銀一十八兩馬糧一分額外外委四名每名歲支馬糧一分

馬兵八十五名每名歲支餉銀一十二兩倉斗糧八石

步兵二百一十名每名歲支餉銀一十二兩倉斗糧六石

額設營馬一十二匹每匹日支倉斗料三升草二束

黃墩營把總一員歲支養廉銀九十兩俸銀一十二兩四錢七分一厘薪銀二十三兩五錢二分九厘例馬二匹

歲復歸地方官
代征以節糜費

實業

農業 縣治各坊以種麥豆為大宗南鄉廣植蔬菜四鄉多種棉花

工業 雍乾以來棉花一種土產甚廣男女互相紡織俱在本境銷

不便外銷將來若用新法製造可望逐漸改良西北二湖廣生

蘆草貧民藉以織蓆希取小利其餘如木工金工鐵工等類製

商務 敦邑地處極邊不通商埠往來行旅未有巨賈東關一路為

運貨少故諸物昂貴當商十家亦無大利土產各物其販運也

境者以瓜籽棉花為大宗油酒食鹽等物悉歸本銷目令金廠

礦務

金礦 查金廠自乾隆五十一年試採五十二年議定南北二山額

夫二千名每夫每月應納課金三分二厘舊志載有二十一年

間復行開採金苗不旺近山者僅有數畧每年或報金夫一二

十名或二三十名不等皆在洮河大紅溝兩處妥覓熟手工人

淘沙揀金聊資餬口光緒二十四年前縣令張元溱籌款招

夫以期節次擴充旋因資微力乏辦無成效其事遂寢清水溝

一處於三十三年有南路纏民佔據以打牲為業土人未能集

煤礦 在縣治東南距城二百五十餘里地否推廣未敢臆斷

不真終難獲利自係實在情形將來能否淹兼無高明礦師勘認

之衰至今已極或謂因無巨本未能開到底裏虧折甚多或謂

歷年已久金苗已衰其實舊廠多被水淹兼無高明礦師勘認

煤礦 在縣治東南距城二百五十餘里地否推廣未敢臆斷

有張姓者依山重開三窰煤苗不旺旋因日本少力乏而止查敦
邑燒烟恃紅柳柴為性命近因人稠地狹日費浩繁民間用薪
如桂急望煤廠宏開以濟民艱惜無礦師勘認終恐煤產不
出且由利源未闢土人不知集股試採或謂憶詞實無確驗
巡警敦邑舊日保甲向無公款皆由地方官相機辦理自改設巡
警一年百姓滋鬧旋即裁撤及三十三年邑令王家彥復經
辦一年六月間因公生變傷斃巡丁殆盡遂成子虛茲當暴除
良安地方甯靜現任陳問詮擬俟學堂辦理就緒遴派正紳
切實開導俾知巡警為保護四境窮民理宜一心前此自干罪
戾以致釀成巨案將來人心歸順疑懼
漸釋警可期推行自有瑞况再為詳報

學堂縣治舊書院遠在關廂光緒十年前邑令唐傳柄移置城內
舊所另易匾額但自考試停止敦邑境處極邊新學風氣未開
學堂終成虛設六隅舊有義學三十二處經邑令汪宗瀚
一律改為蒙養學堂每年由學租項下發給京斗小麥二三石
不等非但教授多不合格甚至有終歲無一學生者現任
問詮會同儒學謝邦彥切實查視認真整頓高等小學堂已於
本年二月初九日開學兩路實設初等小學堂四處南路實設
初等小學堂三處中路實設初等小學堂六處年終照學糧多
少由官分給以資館穀學生按節各送束脩俱無定額餘義
學有名無實曠食學糧一律裁撤以明
實事求是之意另文申報有案

碑記

敦煌裴太守碑記維漢永和二年八月敦煌太守裴岑將部卒五
千餘人誅呼衍王壽斬馘部眾克敵全師除西河

之叛蠲四郡之害邊境人安誠威武無二建祠以誌萬世碑在
鎮西廳城外關帝廟內碑石瑩潔如玉字平淺日久模糊海內
文人咸慕漢隸得之珍如拱
壁至今到其地者必臨榻本

唐李氏再修千佛洞功德碑記字畫剝落猶可辨認惟文句多缺
讀之不能悉會其義舊志詳載

唐都督楊公節度索公碑記鄉賢祠內存斷碑二塊刻字兩面一
面上刻篆文係大唐都督楊公記德

頌一面上刻漢文係大唐河西道歸義軍節度索公紀德碑旁
邊年月已無可考中間文義猶堪辨認惟楊公碑記前兩行字
字畫多半剝落名諱莫辨亦不詳其里居至索公碑記前三行
有云公諱勳字封侯敦煌人索靖其高祖也或有以此斷碑全
作索靖碑記者蓋亦誤矣

